

Hysbysiad Preifatrwydd (Aelodau)

Cyflwyniad

Mae Cyngor Iechyd Cymuned Aneurin Bevan CICAB (y cyfeirir ato yn yr hysbysiad hwn fel "CIC", "rydym", "ni" neu "ein") yn trin preifatrwydd a chyfrinachedd o ddifrif. Rydym yn cydymffurfio â phob agwedd o fframwaith deddfwriaethol diogelu data'r Deyrnas Unedig (DU), sy'n cynnwys y Rheoliad Diogelu Data Cyffredinol (GDPR) Ewropeaidd a deddfwriaeth y DU ei hun.

Hysbysiad preifatrwydd cryno yw hwn, sy'n rhoi gwybodaeth allweddol i chi am sut yr ydym yn defnyddio eich gwybodaeth bersonol. Os am fwy o wybodaeth, cyfeiriwch at ein Hysbysiad Preifatrwydd llawn, sydd ar gael ar ein gwefan, neu gallwch ofyn i'n Swyddog Diogelu Data (SDD) am gopi.

Mae'r hysbysiad preifatrwydd cryno hwn yn berthnasol i aelodau ein bwrdd.

Rheolydd Data a Swyddog Diogelu Data

Bydd eich gwybodaeth yn cael ei gadw gan CIC fel Rheolydd Data, neu gennym ni a'r Bwrdd Cyngorau Iechyd Cymuned yng Nghymru ("y Bwrdd") weithiau, fel cyd reolyddion. Rydym wedi penodi Swyddog Diogelu Data (SDD) i sicrhau goruchwyliaeth briodol o'n gweithgareddau prosesu data. Y Swyddog Diogelu Data (SDD), Jemma McHale, y Prif Swyddog, roi unrhyw eglurder a all fod gennych ynglŷn â'r hysbysiad preifatrwydd hwn. Manylion cyswllt isod:

Jemma McHale
Prif Swyddog
Cyngor Iechyd Cymuned Aneurin Bevan
Tŷ Raglan
6-8 Clôs William Brown
Parc Busnes Llantarnam
Cwmbran NP44 3AB

Ffôn: 01633 833 516

Ebost: jemma.mchale@wales.nhs.uk

Pam ein bod ni'n casglu a defnyddio eich gwybodaeth bersonol

Mae'r prif resymau mae'r CIC yn casglu a defnyddio eich data personol fel a ganlyn:

- Wrth gyflawni ein swyddogaethau statudol neu geisio cyngor neu gymorth gan y Bwrdd i gyflawni ein swyddogaethau
- I sicrhau bod yr aelodau'n cydymffurfio â'r gofynion statudol ar gyfer aelodau CIC ac nad ydynt yn cael eu gwahardd rhag bod yn aelodau
- Fel rhan o'r broses penodi aelodau
- At ddibenion gwerthuso a rheoli ymddygiad aelodau
- At ddibenion darparu cefnogaeth a datblygiad
- I rannu gwybodaeth, ceisio barnau a threfnu gweithgareddau a digwyddiadau
- Wrth baratoi cofnodion cyfarfodydd Bwrdd CIC neu gyfarfodydd eraill.

Mae'n gyfreithlon i ni wneud hyn oherwydd mae'n angenrheidiol ein bod yn casglu a defnyddio eich data personol, er mwyn cyflawni swyddogaeth gyhoeddus.

Sefyllfaoedd lle byddwn yn defnyddio eich gwybodaeth bersonol sensitif

Mae'n bosib byddwn yn prosesu categorïau arbennig o wybodaeth bersonol yn yr amgylchiadau canlynol:

- Mewn amgylchiadau cyfyngedig, gyda'ch caniatâd ysgrifenedig penodol chi.
- Lle mae angen i ni gyflawni ein rhwymedigaethau cyfreithiol.
- Lle mae angen gwneud hynny er lles y cyhoedd, megis i fonitro cyfleoedd cyfartal.

Yn llai cyffredin, mae'n bosib byddwn yn prosesu'r math yma o wybodaeth lle bo ei angen mewn perthynas â hawliadau cyfreithiol, neu lle mae ei angen i ddiogelu eich buddiannau (neu fuddiannau rhywun arall) ac na allwch roddi caniatâd.

Gwybodaeth am euogfarnau troseddol

Gallwn ddefnyddio gwybodaeth yn ymwneud ag euogfarnau troseddol mewn achosion lle mae'r gyfraith yn caniatáu i ni ei ddefnyddio yn unig. Fel arfer, bydd hyn lle bo'r fath brosesu'n angenrheidiol i gyflawni ein rhwymedigaethau, ac ar yr amod ein bod yn gwneud hynny yn unol â'n Polisi Diogelu Data.

Byddwn ond yn casglu gwybodaeth am euogfarnau troseddol os yw'n briodol, o gofio natur rôl aelod, a lle bo'r gyfraith yn caniatáu i ni wneud hynny. Lle bo hynny'n briodol, byddwn yn casglu gwybodaeth am euogfarnau troseddol fel rhan o'r broses benodi, neu mae'n bosib cawn wybod am wybodaeth o'r fath gennych chi'n uniongyrchol, yn ystod eich cyfnod fel aelod. Mae gennym hawl i ddefnyddio eich gwybodaeth bersonol yn y modd hwn, oherwydd bod y prosesu'n angenrheidiol at ddibenion cyflawni neu arfer rhwymedigaethau, neu hawliau sy'n cael eu gorfodi arnom neu eu cyflwyno i ni.

Rhannu eich gwybodaeth

Rydym yn rhannu eich data personol gyda thrydydd partion, er mwyn cyflawni'r swyddogaethau cyhoeddus a restrwyd uchod. Yn arbennig, mae'n bosib byddwn yn rhannu eich gwybodaeth gyda'r sefydliadau canlynol:

- Y Bwrdd
- Y sefydliad sy'n eich penodi chi, gall fod yn awdurdod lleol, mudiad gwirfoddol neu Lywodraeth Cymru
- Gyda Llywodraeth Cymru, pan fo angen gwneud hyn i gydymffurfio â'n rhwymedigaethau adrodd neu unrhyw swyddogaeth statudol arall
- Gyda Bwrdd Iechyd Addysgu Powys, i brosesu hawliadau treuliau
- Yn achos cofnodion cyfarfodydd bwrdd, mae'r rhain yn ddogfennau sydd ar gael i'r cyhoedd, ac felly byddant yn

cael eu rhannu gydag unrhyw sefydliad neu unigolyn sy'n gofyn am gopi

- Mae enwau a buddiannau eraill aelodau sy'n eistedd ar y bwrdd (neu is-bwyllgorau) yn cael eu cyhoeddi mewn adroddiadau blynyddol hefyd, ac mae'n bosib byddwn yn cyhoeddi ffotograffau o aelodau'r bwrdd hefyd.

Mae'n bosib hefyd y byddwn yn rhannu eich gwybodaeth, gan gynnwys gwybodaeth lyfryddol, gydag unrhyw bwyllgor allanol neu grŵp diddordeb perthnasol, lle rydych wedi cael eich enwebu a'ch bod wedi cytuno i eistedd ar y pwyllgor neu'r grŵp hwnnw.

Efallai hefyd bydd eich data personol yn cael ei rannu gyda thrydydd partion eraill, megis ein hyswirwyr a chynghorwyr proffesiynol, a thrydydd partion sy'n cyflenwi nwyddau a gwasanaethau i ni, er mwyn ein galluogi i gydymffurfio â gofynion cyfreithiol a'n galluogi ni i redeg ein sefydliad yn effeithiol.

Nid ydym yn gwerthu, gosod ar rent neu fel arall yn gwneud gwybodaeth bersonol ar gael yn fasnachol i unrhyw drydydd parti.

Gwybodaeth bersonol rydych chi'n ei rannu gyda ni

Mae'r gyfraith yn ein galluogi i gasglu a defnyddio gwybodaeth bersonol am bobl eraill wrth gyflawni ein swyddogaethau cyhoeddus. Os ydych yn dymuno rhoi gwybodaeth bersonol i ni am berson arall, yna siaradwch â ni, os gwelwch yn dda, i sicrhau bod gennych hawl cyfreithiol i roi'r wybodaeth i ni, ac am gyngor p'un ai bod angen i chi roi gwybod i'r person hwnnw.

Am ba hyd y byddwn yn cadw'ch gwybodaeth bersonol

Ein polisi ni yw peidio â chadw gwybodaeth bersonol am fwy nag sy'n angenrheidiol. Mae gennym amserlenni cadw data sefydledig ar gyfer unrhyw wybodaeth bersonol a ddelir gennym, yn seiliedig ar pam mae angen yr wybodaeth arnom, a manylir ynghylch hyn yn ein Polisi Cadw Data. Rydym yn

dileu neu'n dinistrio gwybodaeth bersonol mewn modd diogel, yn unol â'r Polisi Cadw Data.

Diogelwch

Yr ydym wedi'n hymrwymo'n gryf i ddiogelu gwybodaeth. Yr ydym wedi rhoi gweithdrefnau corfforol, electroneg a rheolaethol yn eu lle, i ddiogelu ac amddiffyn yr wybodaeth yr ydych yn ei roi i ni, gan gynnwys y defnydd o amgyrptiad a ffugenwau. Os ydych yn dymuno trafod diogelwch eich gwybodaeth, yna cysylltwch â ni os gwelwch yn dda.

Hawliau Preifatrwydd

Mae nifer o hawliau gan unigolion yn unol â'r ddeddfwriaeth diogelu data. Mae ein Hysbysiad Preifatrwydd llawn yn cynnwys manylion llawn am yr holl hawliau, er, byddwch yn ymwybodol, os gwelwch yn dda, na fydd yr holl hawliau'n berthnasol i chi.

Sut i wneud cwyn

Rhowch wybod i ni, os gwelwch yn dda, os ydych yn anfodlon gyda'r ffordd yr ydym wedi defnyddio eich gwybodaeth bersonol. I roi gwybod i ni am hyn, cysylltwch â'n SDD, Jemma McHale, Prif Swyddog, Cyngor Iechyd Cymuned Aneurin Bevan, Tŷ Raglan, 6-8 Clôs William Brown, Parc Busnes Llantarnam, Cwmbran NP44 3AB

Ffôn: 01633 838 516

Ebost: jemma.mchale@wales.nhs.uk

Mae gennych yr hawl hefyd i wneud cwyn wrth Swyddfa'r Comisiynydd Gwybodaeth. Mae mwy o wybodaeth ar gael ar eu gwefan www.ico.org.uk